



-Pamebhamε

"Nimlɔv : 001 'Zë Zë -kwε 2005 "su -bha 'sëédhε -mü

"Gwεetaawo

Dhiang -wo -tiaandhe

'WON -TAONG -MA 'GÜ 'SËÉDHÉ

-Më 'ö -kë 'yö -dhe 'dhö -bha kö
'wón -taong -ma 'gü 'sëédhε -yö kë
kwa -de -wo -nu 'gü ? -Më 'ö -kë 'yö
'yaa 'to 'kwi -wo waa- -wo 'wεε -nu
woo doseng -bha? -Kwaa 'wón dō-
'ka =dhe 'kwi -wo waa- -wo 'wεε
-nu bha kë 'ö- wo =bhlëësü mε -nu
'yan 'gü "kpungtaa bha, -a -wón 'kun
'ö- -mε -nu -wa wo "gbu-, 'ö 'wo
=baa -a -nu -bha, 'yö -kë. =Ya kë
'dhü kö -yö -së kö 'mε 'ö "dhü -yö ö
-de gaa- pë 'kun -së, kö -a =bhlëë -yö
kë mε 'wεε -nu 'yan 'gü. 'Yaa yö -zë
-a 'ka, -wo 'bha 'yaa =bhlëësü kö -yö
ziö- 'ka -wo 'bha -ta. -Wo =gban -yö
doseng. -A -kë "dhü -sü 'gü, kö -dhe

-ya -bha kö 'kwa kwa -de -wo 'ö -kë
=Dan -wo 'ka bha, 'kwa baa- -bha kö
=bhlëë -yö kë- -bha. -Kwaa 'wón dō-
'ka =dhe 'mε 'ö 'yaa ö -de -wo pö, 'ö
mε 'wεε -nu -wo nü 'ö- pö, kö -ya kë
-wo 'dhe 'ö bha, -a -bha =dhuëng 'ka,
kö -ya kë =dheg -mε 'ka. -A -wón 'gü,
-kwa kwa wë slëë kwa -de -wo "piü.
-Kwa dō -a -ya -dhe waa- pö -dhe 'ka.
'Pë 'ö -kë 'ö 'sëédhε 'ö -kë
-Pamebhamε 'sëédhε 'ö ya, 'ö -kë 'yö
bha. -Yö kë -sü 'ka -wo =plε 'gü. "Maa
"sε, Gbiaan =gwinng- "sε waa- 'Siiploo
"sε, -a -nu -bha -ben -yö -ya -sü 'ka
"Gwεetaa -wo 'gü, 'yö -wo "pεpε 'ö

'Dannëng "sε 'gü, -a -nu -bha 'dhö
Blowo 'gü.

-Kwaa 'gü ma -së 'ka =dhe 'sëédhε
ya 'yii kë kë "dhü doseng kö 'kwa kwa
-dewo doseng nü- draan-. -Yö -kë 'pö
"dhü kö -yö kwa "yan "pu, -yö kwa
"tu "pu kö 'kwa 'wón -taong -nu ma,
kö 'kwa 'dho kë- 'wón -nu 'ö 'wo kë
sië =dεε "kpungtaa, -a 'gbε -dhe 'gü
tii, "kεε kö 'kwa 'wón 'gbε ma.

'Mε 'dhe 'ö 'wón 'bha 'dhö- -gö kö
-ya pö yi -dhe 'ö -gban kwaa- =Dan
-wo "sε 'gü -wón -bha, yii- 'drεεsü
=nε: 08 bp 857 Abidjan 08. Bureau
Dan. -piöga -ma "nimlɔv 22 43 12 72
'ka.

Kwaa- =danwo pö "sε 'gü -wón

=Klang- -bha 'gbaannu 'ö- wo



=Klang- 'ö ma -zuglu -bha kwaa-
"pεen -ta bha, =ya kë "bhadha -dede 'ka.
=Klang- -kö =gbaan "dhi ta, "kεε kö 'sa
'sëédhε -dhö -dede -yö kwaa- 'në -nu
-bha. Mε 'dhe -nu 'ö 'wo -kë =dhe -a -
naa mε -nu -wo "pεen 'dhe 'ö -gblü 'yaa-
'ka, -a -nu 'ka =wa woo 'në -nu bō- -nu
'gü 'döandhö. 'Mε 'ö mε 'yaa- -nu -gō,
=wa 'to -wëësü. =Ya kë "dhü kö "sε =ya

"pε 'gü -dedewo nü wo bha. "Sε
-pε 'gü -kö -suu nu bha -wo 'në
-nu -kë zuë" "dhiü =wliüü" -mε
-nu 'ka. -A -kë "dhü -sü bha- 'gü,
'mε 'ö "dhü -yö bhea" ö bha
Atanna -dhe kö -yö "ta kwaa- "sε
-dhe, kö "sε -gō "dhiü -mε -nu
-zo -yö -bō -dedewo kwa -wón
-ta, kö =klang- -wón bha, "siü -yö

-ya -a 'gü. Kwaa dō bha =klang- -wón
'yii kë nu "vaandhö kwaa- "pεen -ta.
=Ya kë "dhü 'züzü kö 'wón 'ö kwaa-
"Kodivuaa -sε -bha =dεε kö 'yii kë
dankwëë, kö kwaa- =klang- -wón "yan
'yii kë bho "vaandhö, -yö -dho kë kwaa-
=yaoba "sε -bha "gbu- yi =plεε -bha.
"Kwi -yë kë -mε -nu 'waa woo kë 'gbε.

L'orthographe DAN

Voici ce que nous pouvons prendre pour
savoir lire et écrire en langue dan.

Les consonnes et les voyelles que vous ne
voyez pas ici sont les mêmes qu' en français.

Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l' alphabet :

Lettres	Exemple	Traduction
Aa	"kaa	<i>gale</i>
An	"gan	<i>tirer</i>
Aan	saan	<i>cadeau</i>
aō	kaō	<i>perdrix</i>
aōn	'daōn-	<i>araignée</i>
bh	-bho	<i>cabris</i>
dh	dhe	<i>mère</i>
ee	=wee	<i>sel</i>
ε	"pε	<i>déchirer</i>
εε	=wεε	<i>moquerie</i>
en	-gεn	<i>piéd</i>
εen	=gblεen	<i>long</i>
ë	pë	<i>chose</i>

ëë	"këë	<i>daba</i>
ën	'kën	<i>rassasier</i>
ëën	=klëën	<i>entourer</i>
εa	"kpεa	<i>sec</i>
εan	gεan"	<i>scorpion</i>
gw	-gwë	<i>caillou</i>
in	"bin	<i>fleur</i>
iin	"iin	<i>ou</i>
ι	"wι	<i>parler</i>
u	"gbu-	<i>fort</i>
kw	=kwaa	<i>main gauche</i>
ng ¹	gbeng	<i>nuit</i>
oo	-zoo	<i>chenille</i>
ɔ	'pɔ	<i>credit</i>
ɔɔ	=wɔɔ	<i>singe</i>
ɔn	"yɔn	<i>huile</i>
ɔɔn	=yɔɔn	<i>sang</i>
ö	pö	<i>dire</i>
öö	töö	<i>panier</i>
u	"su	<i>lune</i>
un	bun	<i>tombeau</i>
uun	=yuun	<i>asticot</i>

ü	'gü	<i>intérieur</i>
üü	"güü	<i>amère</i>
ün	=blün	<i>miette</i>
üün	glüün	<i>rouler</i>
ü	"gü	<i>brûler</i>
üü	"bhüü	<i>tarir</i>
u	"tu	<i>oreille</i>
uu	"tuu	<i>sauce</i>

-Wo 'dho -kö (Les tons)

très haut	"dhü	<i>arbre</i>
haut	'kō	<i>maison</i>
moyen	dë	<i>père</i>
bas	=zε	<i>termite</i>
très bas	-dhō	<i>amour</i>
très haut + très bas	"klang-	<i>singe</i>
haut + très bas	'yënn-	<i>soleil</i>
moyen + très bas	saa-	<i>savon</i>
bas + très bas	=göō-	<i>iroko</i>
moyen + très haut gean"	scorpion	
moyen + haut	kpuu'	<i>souche</i>

'Wɔn 'ö -gban Diksiɔngdheε 'sëédhe -bha

'Sëédhe, 'ö -wo kpö 'gbε, 'ö- 'dhe "dhü -a 'klɔɔ- 'dodo dho kē- 'gü: -kwa -de -wo 'gü, "kwi -wo 'gü, Dhuusi -wo 'gü, 'Glεε- -wo 'gü, -a -wɔn -yö 'sia-. -Wa -dhe "kwi -wo 'gü diksiɔngdheε. Mε -nu -wa -yë -bha

'Sëédhe 'ö "dhü bha, -a kē -sü zü -yö -bho -kwε "gblü =plε waa- ö ga do -naa 'ka. =Ya kē "dhü kō -a -kwε -yiisiö -naa nü 'ö ya. Kwaa- -dhεng -nu 'ö 'wo -kē "Kwi "puu -nu 'ka, 'ö 'wo go "segö 'ö 'wo- Dhuusi -kē -a 'gü, 'ö

yë 'dhe bha 'wo- "yan dɔ 'gbaandhö, nü 'ö 'wo yë bha- -bha. -Wa mε do -dhe Vidrinö Valanngtēn 'ka, 'yö 'wo- mε do -dhe Ana ΕΕmanö. 'Mε 'dhe -nu 'ö -nu "saa- 'gü -dedewo 'ö "kwi -nu bha 'wo nu yë bha- kē bha, wo -mü Maagödhito Boli 'ö 'kwa- 'tɔ kpɔ 'Wonsë bha waa- Toma Beaätö 'ö =ya gun =ya =gwëë -Gbīaa "sε 'gü, 'a -nu 'ka. =Dhuusi "kwi -nu bha, woo do 'waa mü 'ö 'wo yë 'ö "dhü bha- -bha. Kwa -dega -a 'nē =plε 'wo -kē 'sëédhe -slëēta -mε -nu 'ka kwa -de -wo 'gü,

weng- -nu nü yë bha 'wo- kē -sü 'ka -dedewo. -Wa mε do -dhe =Kesi Dhifangsi. Yö nü waa- Vidrinö 'wo- -bha "Gwεεtaa -wo 'gü. 'Yö 'wo- mε do -dhe Lo Zafe. Yö nü waa- Ana ΕΕmanö 'wo- -bha Blowo 'gü 'pö. =Ya 'go 'sëédhe bha- 'gü, -a "wεε 'gbε 'bha -nu -wo mü 'ö 'wo- -bha. -Kwaa 'gü ma =dhe 'sëédhe "pεpε bha -wo -kē "dhü kō kwaa- =Danwo 'ya 'dho kē- -ga -bhaa 'gü -pē 'ka.

Kwaa- "Kodivuaa -sε 'gü -wɔn



'Wɔn 'ö -gban 'wëë- 'ö sü 1992 -bha -a -slëë 'gü -wɔn -bha

'Wɔn bha -yö -sü -kwε 'ö 'kwa go- 'gü ya, -a -bha "su "suisiö -naa 'ö 'wo- -dhe "kwi -wo 'gü setangblë, -a -dhekpāyi -kaɔng do ö ga "saodo -bha. Kwa wë ya kē 'yënnε- -wo -zian 'ka, kwaa- mε tii "segö -nu 'ö 'wo mε =kwaa 'gü, 'ö "Kwi -wo 'dhö pö- 'gü, 'wo -kē: Bene, Ginee, 'Kodivuaa-, Mali, Niziεε, Senegalë waa- Togo 'ka -a -naa 'wëë- -kō 'ö 'wo- -dhe BCEAO bha, 'yö -kē -a -gö -mε -nu 'gü -së

kō "wëë- "dhe "pεpε -nu bha, -wo slëë- 'gü. "Tüŋg -blεsü 'ö 'wo kē- -ya kō 'wɔn bha -yö kē- 'ka, -a "dhiü -yö kē -to -kwε 'ö -ziö ya, -a -kan -ta "su 'ö 'wo- -dhe "kwi -wo 'gü Desangblö, -a "dhiü 'to -yi 'ka. =Dhe 'ö go 'mü, 'yö 'wo- =plε -naa -ya 'zü. -A zü -yö kē -bho zānvie do 'ö -ziö ya, -a -dhekpāyi -kaɔng do ö ga "saaga -naa 'ka, 'yö- "dhiü 'dhö to "su 'dhe 'ö dɔ- "piü, 'ö -kē 'zëzë 'ka kwa -wo 'gü bha, -a -bha -dhekpāyi -kaɔng =plε ö ga "sɔɔdhu -naa 'ka. =Ya 'go yö -zë -a 'gü -wo -dho

"tüŋg -yaaga -naa -ya "iin 'waa woo- -ya -ee, yö -zë 'kwaa- 'wɔn dɔ. =Ya kē -ya -pē 'ka 'zü, kō -yö -dho kē- -së. -A -gen -mü =dhe 'wɔn bha 'yii kē kē 'mε -nu 'ö 'wo "pεen 'dhe 'ö -gblü 'dhö- 'ka, -a -nu dha -wɔn 'ka. Mε 'gbε 'wii kē -a 'wɔn ma "vaandhö. =Ya 'go mü, -a -slëë 'gü -dhe "wεε 'bha 'yaa gun- -nu "sɔɔ kō -wo 'dho mü. -A -kē "dhü -sü bha- 'gü, mε 'bha -nu -naa 'wëë- zii bha, -yö -tun =kō -a -nu -gö. -Ya kē pē see- -sü 'ka.

'Yö -më 'ö -kē =zɔɔ 'yö 'wëë- -gɔmε -nu bha, 'wo-

pö 'wëë- "dhe -nu bha -wo slëë 'gü?

-Wa -pö =dhe 'ö =yɔɔ mü kō 'wɔn yaa kē -mε -nu -wo "slë -ya sië 'wëë- "dhe zii -nu bha- -nu 'gü. 'Bha -nu yö, -yö -kē ü 'gü =dhe 'wëë- -dede 'dhö, "kεε kō 'yaa- 'ka 'sa.

'Kwa- pö "dhü kō kwa- -pö =dhe 'wëë- "dhe zii -nu 'ö -kē: 'wëë- kēng do "dhe, kēng =plε "dhe, kēng "sɔɔdhu "dhe, "gblü do waa- "gblü =plε "dhe -nu 'ka bha, -wo slëë -sü 'ka- 'gü. Kēng =plε, kēng -yiisiö, "gblü do waa- "gblü =plε "dhe -dee -nu nü 'ö 'wo "sε -bha 'dede ya- 'gü. =Ya 'go mü -kaɔng -yiisiö "tanmaga -yö mü, kēng do -bha -yö mü.

"Kpungtaadhe -wɔn

Sudan: Zuë" 'waannu -wɔn



Sudan -sε bha, kwaa mε tii "sε -nu 'ö 'wo "dhuü- =yën bha, -a do -mü. -A yi =ya =gwëë, -wo 'gü ma dhe 'yaa gun -a 'gü -mε -nu 'wo "dhuü- =yën, 'ö 'wo -kē mɔɔ- 'sëëbho -mε -nu 'ka waa- 'mε -nu 'ö 'wo- -gö "sia- =yën 'ö 'wo -kē =dheglizë 'gü -mε -nu waa- =geebë -dhakëmε -nu 'ka, -a -nu

=zinng 'gü dha "yi -kwε -kaɔng =plε "piü. -A -kē "dhü -sü bha- 'gü, mε 'ö 'wo =mɔɔ "midhiɔng -bha -a -nu -gö -yö kē -to "dhinaa 'ö "dhü bha- 'gü. "Kεε -Zlan nuwεε, "segö "gblügbli -nu 'ö 'wo "kpungtaa -wa -nu =zinng 'gü -dhiang zë -së 'ka, zuë" 'waannudhe =ya nu Sudan -sε bha-

'gü =tɔn. -Ziaaŋwo =bidhong do 'ö 'wɔn 'ö -gban 'ko -wo 'gü ma dhe -bha -a "yan -nu -wo bho 'gü, -yö -ya -sü 'ka -kō "pεen =plε bha -a -nu -bha 'ka -së 'ka. Kō zuë" waannu -wɔn -dede -mü.

'Wɔn 'ö -gban troo -nu -bha mε wɔkɔ -nu 'gü

-Dhekpāyi =plε ya- "piü, =badhong 'kpü- do -yö kē -zuö mε tii "segö 'ö 'wo- -dhe Dhaflikö di Sidö, -a 'gü. -A zuö -gen -mü =dhe -wo kē "dhü kō =badhong -zuö -mε "gbu- 'ö dho kē- mε tii 'nē 'ka, kō -yö dɔ. 'Mε 'ö kē =slɔɔ -yö -gö mε tii "sε 'ö -kē Kamödhunö 'ka, -a 'gü. -Wa -dhe Eto.

'Wɔn yaa -ziizë 'ö 'wo- -dhe sunami Zapɔnnɔg 'sɛ 'gü

Sunami bha, "sɛ -bha =zii 'ö wo -kɔɔyi =wlöö, 'ö- "dhiü =wliüü 'ka, 'ö- dɔ 'ka dhang- -bha, 'ö- kpökpö -nu -bliü 'ka -dhe =gblen =gblen -nu 'gü, "vanvandhö =dhe mɛ mɛ "yan "pɛen dɔ gɔ zë



Sunami -bha pë see- -kɔ 'bha -nu =nɛ

'ö mɛbhu- -nu 'waa "tüng =slɔɔ -dhe yö kö -wo =dua, 'ö mɛ zë, 'ö pë =see 'ka -dedewo -kɔ suu =gban -suu =gban 'gü, yö -mü. -A -ga, 'yö 'pë bha 'ö mɛ 80.000 zë 'sɛgɔ 'ö -kë Donesi 'ka- 'gü, mɛ 5000 zë Tailangdë, 'yö Endö mɛ 9000, Siilanga mɛ 29000, Benggladesü mɛ 2, Buuma mɛ 90, Tanzani mɛ 10, Kenia mɛ 1, Somali mɛ 2000, Maldivö mɛ 73, Malezi mɛ 66. Mɛbhu- -nu 'ö 'wo ga, -wo -gun -ziisü. 'Mɛ 'ö 'wo- -nu bun bho -gblüga 'gläng- -gläng dɔ 'gü, -wo -gun mɛ "gblü käng =plɛ waa- mɛ "gblü -kaɔng =plɛ (220.000). -A -kë "dhü -sü bha- ziaan-ta, 'në "midhiong -nu -wo mü =dɛɛ 'ö- -nu dë 'yaa 'dhö, 'ö- -nu dhe 'yaa 'dhö, 'ö pë =bhee 'yaa- -nu -gɔ, 'ö 'kɔ 'yaa 'dhö kö -wo -wɔ -a -nu 'gü. -A -wɔn 'gü, 'ö nu 'ö yö 'ka =dɛɛ -bha, "bin 'ma -dhe -yö =kpɔɔ, 'mɛ 'ö -ziö käng -ta -wa -nu bun -bho -dhekpɔɔyi -bha. 'Wɔn -wëësü -dede -mü. =Dhe 'ö -kë "dhü, kwaa- mɛ tii "sɛ 'dhö, =Mlɛkɛɛn "sɛ 'dhö, -Flanngsii "sɛ 'ö dho 'ö -da 'ka -a "wɛɛ 'bha -nu -bha, -wo kë -ta -a -nu -dhe -bhöpë -nu, sɔ



-Ka Tailangdö -dhe-ga sunami
ziizän ta

-nu waa- pë "wɛɛ 'bha -nu 'ka, "kɛɛ yöö =gban 'gü -kwa kwa "tüng kë -a -nu -wɔn 'gü kwa zuë" "piü. -Kwa bhea" -Zlan -dhe kö -yö dɔ- -nu -gban -gɔ. Mɛbhudhe -nu kwa dɔ.

Sadhepta

-Kɔ -loo 'ko -ta dɔ 'bha 'ö 'wo- -dhe Sadhepta, -yö -ya -sü 'ka. "Kwi saa- nü 'ö- -pëkë.

'Mɛ 'ö- -gɔmɛ 'ka, -wa -dhe Pasitëë Tobo Ke Bɛɛnaa. -Yö -go Dannäng "sɛ 'gü. Saa- -blɛsü 'ö Saadhepta 'ö -pëkë, -a -wɔn "dhia -yö 'ma -sü 'ka -dedewo -a 'dhö -mɛ -nu 'gü. -Kɔloo 'ko -ta bha -yö -ya -mëwɔn 'gü ? -Yö -ya "dhü kö -yö kë "flɛɛ fiëdhe kë -sü 'ka mɛbhu- -nu -gɔ. -A

-gen -mü =dhe 'mɛ 'ö yë 'yaa gun- -nu -gɔ, 'ö 'wo yë kë sië =dɛɛ saa- -pëkë -dhe bha- 'gü, -wo -mɔɔ käng -bha. =Ya kë "dhü kö -a -nu -bha "flɛɛ "bhü fiëë =ya kë. Kö -kɔ -loo 'ko -ta -wɔn bha 'wɔn -tiaandhe -mü. -Yö -së kö kwa -yɛɛbhaa -dhe -nu 'gü, 'wɔn 'ö kwa "piü 'kwa- kë =naɔ -yö 'gü -pë 'ka "kaflu waa- kakao ziaan 'gü, 'kwa kwa "tüng kë -a kë -sü 'gü.

"Kaflu waa- =kakao

=Ya 'go mü, yi ka -zo -bö =dhe =kakao "kidhung dɔ sɔng -yö 'wëë- -kaɔng "saɔple -zü, 'yö "kaflu -bha 'dhö -kaɔng -yiisiö -zü. -A sɔng 'dhe 'ö sü "kwi -a "su 'ö -kë zanngvie 'ka -a -bha 'ö yö 'ka 'maasü 'ö nu sië ya- -bha, 'yö bha.

'Wɔn 'ö -gban -potaasü -wɔn -bha.

Sida, mɛ "trɔyaabho -yua

-Kɔ -loo 'ko -ta dɔ 'bha -yö -ya -sü 'ka kwaa- 'Kotö Divuaa -sɛ ya 'gü, 'ö 'wo- -dhe DHEPMASI.

'Mɛ -nu 'ö 'wo -kë =dhe -wo 'wɔn -taɔng -nu -yö mɛ -nu -bha -kɔ suu =gban -suu =gban "yan -dɔ "kwi -wo 'gü, 'ö 'wo wo 'ko dɔ -tiaandhe 'ka, nü 'ö 'wo -kɔloo 'ko -ta bha- -ya. -Wa -kë "dhü kö -wo mɛ -zo =kpɔɔ, kö sida -yua, mɛ suu yën -yua bha, 'kwa kwa -de 'kun- -gɔ. -A -kë "dhü -sü bha- 'gü, -kwe 'ö 'kwa go- -gü ya, 'yö



mɛ -kɔ "gbluv -gasü 'ö -kë gizame 'ka bha, 'wo- -ya. Mɛ 'gbɛ -dede -wo kë -nu kö -wo gizame bha -a kë wo -de -wo 'gü. =Danwo pö -mɛ -nu, Mäng' -nu, Gloo- -nu, =Betee -nu, "Bawlɛɛ -nu, -wo 'ö =mɔɔ -wo -kaɔng dɔ ö ga "saaga -bha kwaa- "sɛ ya- 'gü, mɛ -nu -wo kë -go -a 'gü. Kwaa- "yuv -mü, kwa 'tɔ -yö kë -wo mɛ -nu =zinng 'gü. Kwa kë gɛnyën.

-A dɔ 'ö dho 'to kwa "yaan 'zü, yö -mü =dhe 'sida bha, -a 'sü -kɔ -yö 'gbɛ. -A -blɛsü -mü =dhe gɔɔn- "iin dhebë, -a -bha -tosea -kë =näng 'gü -sü 'ö -zaadhö, 'ö -dhe 'ö -wɛ -kɔkɔ 'ö- sü, 'ö- 'dhe 'ö -wɛ "küngküng 'ö- sü =dhe 'gben -yö 'wɔn -kë bha, -a 'ka. =Ya 'go mü, "bɔn zë -sü 'ö 'wo -kë -dhaa 'në, "iin 'laamö doseng 'ka mɛ =gban kwi -bha, "iin 'yuame -nu zua -sü 'ö pë dosengseng 'ka bha, -a 'ka. =Ya kë "dhü kö -kwa kwa -de 'kun 'wɔn suu -nu bha, -a -nu kë -sü -gɔ.

=Ya'go mü ka -bha 'ka, kwa -mɔɔ 'gü kpɛngdhö ?
-bha 'kwa sida -dhe =dhe kwa -de -wo

'Wɔn 'ö -gban troo 'në -nu -bha

Pë "bin =plɛ ya -a -nu -ga -së -dede 'ka. -Wo -bho wo 'kwëë-, "kɛɛ -a do -zë 'ka -dhe "saaga -ya -bha. -A -nu =mɔɔ-.



"Yu -wɔn

'Nëglɔn 'në do 'bha bha 'yö -gban =gee -gɔ. -Kpo 'ö 'wo-
wo "dhɛɛdhö, 'yö- pö yöö "yɛdhe kē "siëë- 'ka mɛ -nu
"yan "dhiü "dhɛɛdhö 'mü kö mɛ -nu -wa pö ö "gbu-. -Aga
kö =gee bha =ya ö -kɔ ziö- -bha -blɛɛ 'gü, kö -yaa gën "kan,

-yaa lɔɔ =ya ö -gɛn yö- -ta. "Kaa 'ö 'mɛ bha -a zü -bha, -yaa zü
kē tii 'ka =ni. -A "dhiü -zian nü 'ö yöö ö -kɔ kpa- -ta, "iin -a zü
kpö nü yöö -a -gblɛɛn 'kpɔ -ee ? =Gee =de 'pö yaa- "piü 'ö ö -
gɛn 'go -blɛɛ bha- -ta...

"Gwüŋ

Kwa- -pö kwa -de -wo 'gü =dhe:
« -Gɔ 'yaa- kē "wɛɛ -ya -kē bho -bha
kē 'gü. »

'Wɔn "pɛpɛ 'ö kwaa- "kwi -
dhɛŋg -nu 'ö -da 'ka kwa -dega -bha

'në -nu -bha 'wo- kē sië bha, -yö -kē
"dhü kwa nü kwa -wɔn 'gü. -A -kē
"dhü -sü bha- 'gü, kö -kwa dɔ kwa -de
-gban -gɔ. -Kwa kwa faan dɔ kwaa-
'sëédhe -nu bha- -nu -wɔn -bha. « 'Wo

ü =taadhe =yɔɔ sië kö bhii =de 'pö ü ü
'gblëédhe =yɔɔ sië. »

'Sëédhe -dee -nu -wo kē -sü 'ka. -A -blɛɛsü bha -wa -dhe 'WAA 'WɔN YAA
'YɔɔBHO 'WɔN YAA 'KA. -Wa dē -mɛ -dhe =Kesi Mɔyan. 'Sëédhe bha dhiang -wo -
nu 'ö 'wo- -gü, -wo -tiantandhe -dedewo. Mɛ faan dɔ -wo -nu, mɛ =klang- kē -wo -
nu, -gleng -da 'në -nu -bha -wo -nu =gban -wa 'gü. -Yö -ya -sü 'ka =Danwo 'gü,
"gwɛɛtaawo 'gü. -A -pë -yö -kē "kwi "sɛ 'ö -kē =Dhusi 'ka, -a 'gü. -A "dhiü 'to -dhe
bha, -wo -nu bha -wo slëë -sü 'ka- 'gü "kwi -wo 'gü. Pë "bin 'ö -ta yö nü 'ö -ya ka
wëédhō bha.

=Ya 'go mü 'sëédhe do 'bha -yö -wo -sü 'ka blowo 'gü. -Wa -dhe -Zuu 'gü bhuö -
dhe bo -kɔ. 'Sëédhe =bhlëësü -mü -dedewo. -Kɔ 'ö dho kē -bha kö ü "yan -nu 'ö -zio
'wɔn 'gü -gblü -bha "tüng ya- 'gü, ü -zo -yö -gban, ü zuë" -yö lɔɔ nü -dhiang zë.


-A -to =taama -sü -mü =dhe kwaa- -kwɛ 'dhö, "su waa- -dhekpɔyi 'dhö, -a -nu
dhong 'sëédhe -së do =ya yö "kpɛnng. -A 'tɔ -mü Sɔ 'yuögü =dhong- 'sëédhe.

'Sëédhe "pɛpɛ -nu 'ö 'wo bha -ka -dho -kpan -a -nu -bha -blɛɛsü 'gü, "Biya, 'Silö.
-A "nimlɔv -mü 22-43-12-72 'ka.

=Ya 'go mü ka -mɔɔ -a -bha 'ö 'ka -kpan -a -nu -bha "Maadhö "Zɛ Emadhiɛdhö -
gɔ, =dheglizö UEESO 'gü mü.

-Ka -mɔɔ -a -bha 'ö 'ka -kpan -a -bha 'pö 'Dannëngdhö =Dheglizö UEESO 'gü mü,
'sëédhe "dhɔɔdɔmɛ Gɔngɔ Zan- "piü.

Pë -Wlangda -sü



'Ka ka bo 'sëédhe ya- -wo pö -sü 'ka, 'wɔn 'bha =ya kē ka -gɔ kö 'ka pö yi -dhe, -ka 'sëédhe kē kö 'ka bo.
Yii- 'dresü -mü 08 BP 857 Abidjan 08 'ka. Tel. 22.43.12.72.

'Mɛ -nu 'ö 'wo 'sëédhe 'ö ya- -kē, wo -mü =Sai Zoiasü, "Dhɔɔgbö Zafe, =Kesi Mɔyan Dhiɔngsü, Valangten
Vidrino waa- Edhena Pedhekwalösökaya -nu 'ka.